

A painting of a young shepherd boy with dark hair and a beard, wearing a yellow tunic and a brown shawl. He is leaning over a rocky ledge, holding a wooden staff in his right hand and reaching out with his left hand towards a small white lamb. The background shows a green hillside with a rocky path.

# TORETET NE BUNU BARAK

Kisirei Watson Goodman

Magialdoi

## **TORETET NE BUNU BARAK**

Bukuineb “TORETET NE BUNU BARAK” ko tetutikab konetisiosiek che bunu Bukuit ne Tilil. Ayani ale, toretet ne siirei tugul eng’ kaguiyetab Sirutik che Tililen ko somanetab Bukuit ne Tilil.

“Bunu barak” Ng’olyotab Jehovah, ak kotoreti inne mugulelwek che amei rubo ak melelda agobo imanda. Ye kasik chi, ak kobagach chalwokto, ak koyan ak kotaach Yetindet Jesu Kristo eng’ muguleldanyi tugul, kong’ang’jige inendet Kiptaiyat akconde boiboiyennyi ak kalyennyi muguledab chichoto. Kiyaak nito eng’ ane eng’ kenyitab 1937 ak koboch yoto kotom amete yamdaet ne kiteng’ege ak Kiptaiyat. Ngot kotom igochige Inendet iyai NGUNO.

—Watson Goodman

# CHAMNYETAB JEHOVAH

1

Ago iboruech achek Jehovah chamnyennyi, amu ye kita ko ki kiptengeginik, kome Kristo agobo achek.

—Romanik 5:8

Ak ye kingo tom koit igortab paska, konai Jesu kole kagoit sainnyi ne wendi eng' ng'ony kwo ole mi Kwanda, ko kagocham chechik che mi ng'ony, kocham anyun agoi betutab let.

—Johana 13:1

Matinyei chi chamnyet ne siireini, ale kogoito chi sobondanyi agobo choronokyik.

—Johana 15:13

Ak che bunu Jesu Kristo, ne bariat ne bo iman, taita ne bo che kigobek, ak ko bounindetab laitorinikab ng'ony. Ingobunji inendet ne chamech, ne kiitiachech eng'

tengekwogikyok eng' korotikyik.  
—Ng'ang'utiet 1:5

Amu kicham Jehovah ng'ony mising', kot kogoito Werinnyi ne kigii inegei, si malus age tugul ne iyani inendet, ago si konyor sobondab koigeny.

—Johana 3:16

Kimong'ja Jehovah keny, kolenja, Ee, kiachamin eng' chamnyet ne bo koigeny: kiachuutun anyun eng' chamnyet ne tala.

—Jeremia 31:3

Inendet ne matinyei chamnyet ko maingen Jehovah; amu Jehovah ko chamnyet.

—1 Johana 4:8

Ago Jehovah, ne magoriot eng' rirenatab ge, eng' chamnyennyi ne o ne kichamenech.

—Epesoek 2:4

## JESU KO AGENGE AK JEHOVAH

Ak ne matiny, ko o ung'otiet ne bo kaiyweet ne kiywei Jehovah; Inendet ne king'ang'ak eng' borto, Kigiityi imanda eng' tamirmiriet, Ne kigeer malaikaisiek, Ne kigiamda eng' Bororiosiek, Ne kiiyan che bo ng'ony, Ne kigimut kwo barak eng' torornatet.

—1 Timoteo 3:16

Eng' taunet ko kimi Ng'olyondet, ak kimi Ng'olyondet ak Jehovah, ak ki Jehovah Ng'olyondet . . . Ak kiek Ng'olyot borto, ak komeny kwenunnyo, . . . ko nyiitat mieindo ak imanit.

—Johana 1:1, 14

Ak kagoyaak tuguchu tugul, si kobiit kosulda ne kiga mwa Kiptiyat eng' maotiot, kole, Ogeero, manachi bergeiyat, ak kosich werit, ak keguure kainennyi Imanuel; ye kiweech ko ni, Mi Jehovah kobotech.

—Matayo 1:22, 23

Ane ak Kwanda, ko ki agenge.  
—Johana 10:30

Kolenji Jesu, Kigetebi tugul ak okwek betusiek che chang', ak tom inaa, Pilipu? inendet ne kigo geera ko kigogeer Kwanda: imwae eng' nee anyun, ile, Iboruech Kwanda? Tos meyani ile ami eng' Kwanda, ak Kwanda eng' ane? . . .

—Johana 14:9, 10

Age tugul ne ng'anyei kole Jesu ko Weritab Jehovah komenyei Jehovah eng' inendet, ak komenyei inendet Jehovah. —1 Johana 4:15

Ak kiwolji malaikaiyat kolenji, Nyonjinin Tamirmiriet ne Tilil ak kouurin kamuktaetab Inendet ne Toror Mising': noto anyun kiguure ne tilil, Weritab Jehovah, inendet ne tun kisichei. —Luka 1:35

Kingota kong'alali, ogeero, kouur ichek boldet ne iluu: ak ogeero, kimong'une kutit boldet, kole, Ni ko Werinnyu, chamanennyu, ababai mising' eng' inendet; ogas okwek inendet. —Matayo 17:5

Amu kagisikwech lakwet, kagigonech werit; ak ting'e inendet

bounatet tigikyiennyi: ak kiguure kainennyi Kwong'utiet, Kiruogindet, Kamuktaindet ne bo Kamuktaet, Kwanda ne bo Koigeny, Bonundetab Kalyet. —Isaia 9:6

Kolenji Jesu, Kaigeer inendet, (Weritab Jehovah), ak ko inendet ni ng'alali koboten. —Johana 9:37

Amu menyei eng' inendet (Jesu Kristo) eng' borto nyiiet tugul ne bo Jehovah. —Kolosaik 2:9

Kiwol kole, Ng'o noto, Kiptaiyandani, si kobiit ayan inendet? Kolenji Jesu, Kaigeer inendet, ak ko inendet ni ng'alali koboten. —Johana 9:36, 37

## MWAWECH GE JESU

Ak kilenji, O bo oli bo ng'ony, a  
bo barak: o bo ng'onyuni; ma bo a-  
ne ng'onyuni . . . Kolenji Jesu, A-  
mwawok, iman, iman, ale, Kingo-  
tom kobiit Abraham, ami.

—Johana 8:23, 58

Kolenji kobogoriot, Angen ale  
nyonei Mesia (ne keguure Kristo):  
ye nyo inendet, komwawech tu-  
guk tugul. Kolenji Jesu, A ine-  
ndet ne ang'alalun.

—Johana 4:25, 26

Kolenji Jesu ichek, A makatiat  
ne bo sobon: inendet ne nyonjina  
ko magasei rubet agoi, ak inendet

ne iyana ko maamei melel agoi.  
—Johana 6:35

Ye ta ami ng'ony, ko a lapkeiye-  
tab ng'ony. —Johana 9:5

Kolenji anyun Jesu ichek koge-  
ny, Amwawok, iman, iman, ale, A  
kurgetab kechirek. —Johana 10:7

Kolenji Jesu, A ng'eetyet, ak  
sobondo: inendet ne iyana, agot  
ngo me, ko ta kosobei.  
—Johana 11:25

Oguurena Konetindet, ak Ki-  
ptaiyat: ak omwae komie; amu a  
inendet. —Johana 13:13

Kolenji Jesu, A oret, ak iman,  
ak sobondo: manyonjin chi Kwa-  
nda, ama eng' ane. —Johana 14:6

Ak king'at tuiyosiek kobuur eng' suswek; ak kinam makatinichato mut, ak njirenik aeng', ak kingonyal kipsengwet, koberur, ak kobutul, ak kogochi alamalyennyi makatinik ak kogochi alamalyennyi tuiyosiek. Ak kiamis tugul, kobiyong'so: ak kiiyum katuganik che kinyi kerebonik taman ak aeng'. Ak icheget che kiam koji negit murenik elfusiek mut ama kiit kobogorisiek ak lagok.

—Matayo 14:19-21

Ak kiwol Simon kole, Kiptaiyandani, kogiboisie kemout komugul, ama kinyoru kiy: ago achoortoi regereiywot amu ng'olyondeung'ung'. Ak ye kingo kagoyai

ko u noto, konam njirenik ng'isiat; kot kotoi kong'etyo regereiywekwak.

—Luka 5:5, 6

Kibwa anyun kong'eet inendet, kolenji, Soruech, Kiptaiyandani; kagibegu. Ak kilenji, Kalya si oiywei, okwek che otinye kayanet ne ming'in? King'eet anyun koger kong' usonaik ak nyanjet; ak kiumung'do anyun mising' nyanjet.

—Matayo 8:25, 26

Kigimutyi anyun chito ne kitinyei oindet, ne korat ak ko namat kut: ak kiisoob inendet, kot kong'alal ak kogeerto chito ne namat kut. Kokwong'io anyun tuiyosiek tugul, ak kole, Tos weritab Daudi nito?

—Matayo 12:22, 23

## 6 JESU KRISTO KO YAINDET AK KO KIPTAIYAT

... Jehovah, ne kitoi koyai tuguk tugul eng' Jesu Kristo.

—Epesoek 3:9

Amu kigitoi keyai tuguk tugul eng' inendet, che mi kipsengwetisiek ak che mi ng'ony, tuguk che toogu ak tuguk che ma toogu, anan laitornatosiek, anan kiptainatosiek, anan bounatosiek anan kimnatosiek; kigitoi keyai tuguk tugul eng' inendet ak ko bo inendet.

—Kolosaik 1:16

Jehovah . . . ne kagong'alal-wech eng' betusiechu bo let, eng' Werit, ne kigonde koek ne namei tuguk tugul, ak kiyai inendet ng'ony agine eng' inendet.

—Hebranik 1:1, 2

Kigiyai tuguk tugul eng' inendet; ak kima kiyai kiy age tugul ne kiga keyai ne kima yai inendet.

—Johana 1:3

Ingonai anyun komie got komugul ne bo Israel, kole, kigoyai Jehovah inendet koek Kiptaiyat ak ko Kristo, Jesu nito ne kiogartat.

—Boisionik 2:36

Amu kime Kristo agobo nito, ak kisob, si koek Kiptaiyat ne bo che kigobek ak che soptos.

—Romanik 14:9

Jehovah ko ne kiyani, kigeguurok eng' inendet obwanji yamdaetab Werinnyi Jesu Kristo Kiptaiyandennyo.

—1 Korintoek 1:9

# JESU KRISTO, KIRUOGINDETAB TUGUL

7

Ago inye, ko amu nee si iruokyi ne otupche? Anan kogeny, ko amu nee si iit ne otupche koek buch? amu tun kitonondosi achek tugul eng' taitab ng'echeretab kiruoget ne bo Jehovah. —Romanik 14:10

Kang'atin anyun eng' taitab Jehovah, ak Kristo Jesu, ne tun iruokyn che soptos ak che kigobek, ak eng' toogunennyi ak eng' bounatennyi. —2 Timoteo 4:1

Amu ma iruokyn Kwanda chi age tugul, ago kigogochi Werit kiruoget tugul. —Johana 5:22

Ago ye nyo Weritab chi eng' torornatennyi, koboto malaikaisiek tugul, kotebe anyun ng'echeretab torornatennyi: ak kiyumji tainnyi

bororiosiek tugul: ak kokwei ichek kobesio, ko u ye ibestos mestowot kechirek ak ng'ororek.

—Matayo 25:31, 32

Eng' betut ne tun iruokynin Jehovah ung'otikab bik, ko u logoi-ywekyuk che miach, eng' Jesu Kristo.

—Romanik 2:16

Ak king'atech keamji bik, ak kebaorian kele nito ko inendet ne ki-inde Jehovah koek Kiruogindet ne bo che soptos ak che kigobek.

—Boisionik 10:42

Tinyei keibet eng' eunnyi, ak kotilili komie ruanyut, ak koyumji nganok chogennyi; ago beelei metetek eng' mat ne ma misoksei.

—Luka 3:17

A kurget: ngwo chi age tugul go ne buna ane, kesoru, ak kwo go, ak komanda sang', ak konyor ole kiyage.

—Johana 10:9

Kolenji Jesu, A oret, ak iman, ak sobondo: manyonjin chi Kwanda, ama eng' ane.

—Johana 14:6

Noto kaamwawok, ale, obegu eng' tengekwogikwok: amu ngo moyani ole a inendet, obegu eng' tengekwogikwok.

—Johana 8:24

Ak kingo kageyai koek ne igesu-notgei, koek inendet ne kitaunegei yetunet ne bo koigeny eng' ichek tugul che kase it inendet.

—Hebranik 5:9

Eng' noto anyun komuchi kogeny kosor agoi kasuldaet ichek che

bwanjin Jehovah eng' inendet, amu sobei inendet koigeny si kobiit kosaei agobo ichek.

—Hebranik 7:25

Che kiityin imanda buch eng' mieindanyi eng' katiaget ne mi eng' Kristo Jesu.

—Romanik 3:24

Ama mi yetunet eng' chito age: amu mami kainet age eng' kureretab kipsengwet, ne kigigochi bik, ne kanyol kesorunenech.

—Boisionik 4:12

Kiitiachech Kristo eng' chubisetab Ng'atutiet ye kiek inendet chubet agobo achek: amu kigisir kele, chubot chi age tugul ne kisonginini eng' ketit.

—Galatiek 3:13

# BUNU KATIAKNATET KRISTO INEGEI

9

Ago o bo inendet okwek eng' Kristo Jesu, ne kigiyai eng'acheck koek ng'omnatet ne bunu Jehovah, ak imanda, ak tililindo, ak katiaget.

—1 Korintoek 1:30

Ne kiigoitogeい agoboacheck, si kobiit kotiachech eng' tengekto tugul, ak kotililjigei bik koek chechik, che lewenotin, che igiilegei eng' boisionik che miach.

—Tito 2:14

Ogochini kongoi Kwanda, ne kiyaechee keegu che nyoljin keyamde borotetab che tililen eng' lapkei-yet; ne kisoruech kemong' une kimnatetab mesundeito, ak kouute-

ch kebe bounatetab Werit ne bo chamnyennyi; ne kitinye eng' inendet katiagennyo, nyoetab kaat ne bo tengekwogikyok.

—Kolosaik 1:12-14

Amu kinyo Weritab chi kochen' ak kosor ne kiga kobet.

—Luka 19:10

Ak kotieni tiendo ne leel, kolen, Nyoljinin inam bukuit, ak iyat ng'oksosiekyik: amu kigibarin, ak kiialji Jehovah eng' korotiguk bik che bo bororiet age tugul, ak che bo kutit age tugul, ak che bo bik alak tugul, ak che bo emet age tugul.

—Ng'ang'utiet 5:9

Ak ne siirei mising' anyun, ko kagiityech imanda eng' korotikyik, kesoruech eng' neregekab Jehovah eng' inendet. —Romanik 5:9

Ne kitinye eng' inendet katiage-nnyo eng' korotikyik, nyuetab kaat ne bo chalwogikyok, ko u magornatosiekab mieindanyi.

—Epesoek 1:7

Amu chuto korotikyuk che bo arorutiet, che kitumdoi agobo che chang' che bo nyuetab kaat ne bo tengekwogik. —Matayo 26:28

Ongen ole kigitiachak omoing' une atebeng' wong' ne bo buch ne kionyoru eng' kwanisiekwok, ma eng' tuguk che ng'emaksei, ko u fedan anan tahabu; ago eng' koro-

tik che bo kamanutiet ne o, ko u che bo aruet ne matinyei berut ak ne matinyei tisia, choto ko korotikab Kristo. —1 Petero 1:18, 19

Ago ngot kebendote lapkeiyet, ko u ye mi inendet eng' lapkeiyet, keting'ege yamdaet, ak kotililech korotikab Jesu Werinnyi eng' tengekwogikyok tugul.

—1 Johana 1:7

Kotilili anyun ne tia korotikab Kristo, ne kiigochigei Jehovah eng' Tamirmiriet ne bo koigeny, ko matinyei berut, kotilil kabwatteng' wong' eng' boisiosiek che meiyotin si oboisiechi Jehovah ne sobei!

—Hebranik 9:14

Amu kigesoruok eng' mieindo eng' kayanet; ago mabunwok ni-to: konunetab Jehovah; ama bo boisionik, si mailosgei chi.

—Epesoek 2:8, 9

Kitinye kalyet ak Jehovah eng' Kiptaiyandennyo Jesu Kristo amu kigiityech imanda eng' kaya-net.

—Romanik 5:1

Amu eng' Kristo Jesu ko mati-lei kiy kamuratanet, anan ngo ma kimuratan; ago kayanet ne boisiei eng' chamnyet.

—Galatiek 5:6

... Iyan Kiptaiyat Jesu, si ke-sorun.

—Boisionik 16:31

Amu age tugul ne kigesich eng' Jehovah koterteri ng'ony: ak ni

ko katerteret ne iterteri ng'ony, noto kayanennyo. —1 Johana 5:4

Kilenji anyun ichek inendet, Ki-yai nee, si kobiit keyai boisionik che bo Jehovah? Kowolji Jesu kol-enji, Ni boisietab Jehovah, ale, o-yan inendet ne kiiyogu Jehovah.

—Johana 6:28, 29

Ago kigisir chu, si kobiit oyan ole Jesu ko Kristo, Weritab Jehovah; ak si kobiit ye oyani onyoru sobondo eng' kainennyi.

—Johana 20:31

Ak kenyorua eng' inendet, ko matinye imandanyu, noto ne bo Ng'atutiet, ago noto ne bunu kaya-net eng' Kristo, imanda ne bo Jehovah eng' kayanet. —Pilipik 3:9

Amu ko u ye toror kipsengwet eng' ng'ony, Ko u noto rirenennyi eng' ichek che iywei inendet . . . Ago tebyei rirenetab Jehovah kogeny ak koigeny eng' ichek che iywei inendet, Ak imandanyi eng' lagokab lagok.

—Tiendab Kalosunet 103:11, 17

Iberurot Jehovah . . . Kwanda ne bo rirenosiek ak Jehovah ne bo kagaigaet tugul. —2 Korintoek 1:3

Ki rirenosiekab Jehovah kityo si ma kigeswech, amu mararu rirenosiekyik. Leelachen rirenosiekyik karonet age tugul; o imanding'ung'. —Rirekab Jeremia 3:22, 23

Ng'o Kamuktaindet ne u inye, ne nyochin kaat bik amu tengkto, ak kosiirtoe bistoetab bik che king'et che bo borotennyi? Magonori neregekyik agoi, amu baibaitune rirenet.

—Mika 7:18

Amu o rireneng'ung' kosiir kipsengwetisiek, Ak itei imanding'ung' sengwetiet.

—Tiendab Kalosunet 108:4

Kosoruech, ma eng' boisionikab imanda che kigiyaiacheget, ago ko u ole teptoi rirenennyi bo ge, eng' kaunetab siget ne leel ak ka-leelitetab Tamirmiriet ne Tili.

—Tito 3:5

Obwa anyun, keng'alal, mwaei Jehovah: agot ngo biriren teng-kwogikwok, koleelagit u teluchi; agot ngo biriren mising', kogeitu kororikab kechirek.

—Isaia 1:18

Ak mwaei Tamirmiriet ak muret kole, Nyo. Ak inendet ne kasei, komwa kole, Nyo. Ak inendet ne amei melelda, konyo; ak inendet ne machei, koib beekab sobon bu-ch.  
—Ng'ang'utiet 22:17

Ee chi age tugul ne amei melel, obwanji beek, koboto inendet ne matinyei feda; obwa anyun, oal ak oam; ee, obwa, oal divaik ak chego

ama eng' feda anan eng' alyet.

—Isaia 55:1

Eng' betut ne bo let, betunoto o bo igorta, kotonon Jesu ak komwa eng' kutit ne o, kole, Ngo amei chi melel, ko ingonyonja, ak kooe.

—Johana 7:37

Ago ye kingogeer Jesu, konyit, ak kolenji ichek, Ochamji lagok che mengech kobwanja; amoete i- chek: amu bo bounatetab Jehovah che u chu.

—Mariko 10:14

Obwanja, okwek tugul che oii-mige, ak che olae tuguk che nyigisen, si amuung'wok.

—Matayo 11:28

Ng'ang'aksei lagokab Jehovah eng' nito, ak lagokab oindet: chi age tugul ne mayaei imanda ko ma bo Jehovah, anan inendet ne machamei ne tupcho.

—1 Johana 3:10

Amu tugul che indochin Tamirmirietab Jehovah, ko werikab Jehovah choto. Amu kima otaach kogeny tamirmirietab otwoknot ne konok oiwyweisie; ago kiotaach tamirmiriet ne kiginyaenak oegu lagok, eng' noto anyun kerire kele, Aba, Kwanda. —Romanik 8:14, 15

Si kobiit oegu che matinyei lelut ak ko libwoben, lagokab Jehovah che matinyei kunenden eng' kwe-

nutab ibinda ne kunur ak ko ma-staat, che oluu eng' kwenunywa ko u lapkeiyosiek eng' ng'ony.

—Pilipik 2:15

Noto anyun omong'u eng' kwenunywa, Ak otabange, mwaei Kiptaiyat, Amotwa kiy ne bo simdo; Si ataachak, Ak aegu Kwanda eng' okwek, Ak oegu werik ak tibik eng' ane, Mwaei Kiptaiyat ne bo Kamuktaet.

—2 Korintoek 6:17, 18

Ago tugul che kitaach inendet, ko kiigochi kamuget koek lagokab Jehovah, ichek che iyani kainennyi.

—Johana 1:12

Toogunotin anyun boisionik che bo borto, choto ko chu: sokset, simdo, maget ne ya agobo tuguk che yaach, saetab kanamonik, bonisiet, bunyondisiek, suriosiek, ng'etkonda, nereknatosiek, toiyosiek, kabesiosiek, pcheutik, kong'ne ya, bogitosiek, keiyandisiek, ak alak che u choto: kasib ateeywok agobo chu, ko u ye kisib ateeywok, ale icheget che yaei tuguk che u chuto ko manyoru bounatetab Jehovah. —Galatiiek 5:19-21

Ongebendoti ko u ye nyolu, ko u bet; ma eng' wasang'natet anan bogitet, ma eng' sokset anan maget ne ya, ma eng' boriet ak ng'e-

tkong'. Ago olaach Kiptaiyat Jesus Kristo, amochopchi borto boroindo, si oyai magutikyik.

—Romanik 13:13, 14

Bwa eng' ichek che ng'eetos karon mising', kocheng'at maiyek; che eeisei agoi kemoi kwen, kot kobogityo mising'! —Isaia 5:11

Ameiit maiyek ye kagobiriritu, Ye toogu itondanyi eng' kikombet, Ye rektoi komie: Eng' let kosus ko u erenet, Ak kouut ko u melmeldo. —Kalewenaik 23:31, 32

Chotindet divaik, bolindet maiyek; Ak ma ng'om age tugul ne betei eng' maiyek.

—Kalewenaik 20:1

Ak kilenji (Jesu), Cham Kiptaiyat Jehovah neng'ung' eng' muguledang'ung' komugul, ak eng' sobondang'ung' komugul, ak eng' ng'omnateng'ung' komugul. Nito ng'atutiet ne o ak ko ne bo tai.

—Matayo 22:37, 38

... Konetindoni mie, ayai nee si anyor sobondo ne bo koigeny? Ak kilenji Jesu inendet, Kalya si igurena ne mie? mami chi ne mie, kobate agenge, inendet Jehovah. Ingen inye ng'atutik, Amerumisi-e, Amoipge, Amechorse, Amebaorianji lembech, Ameng'alse, Teech kwandang'ung' ak komet. Ago kilenji, Konetindoni, kiarib tuguchuto tugul koboch ko a ming'in.

Kigeer anyun Jesu inendet, ak ko-cham, ak kolenji, Ta ko rartaat kit agenge eng' inye: ui, ialde tuguk tugul che itinye, ak igochi kibananok, si inyoru magornatet eng' kipsengwet: ak inyo isubwa. Ago kigerer met agobo ng'olyondonoto, ak kwo eng' arogenet: amu kitinyei inendet tuguk che chang'.

—Mariko 10:17-22

Mi oret ne len chito litit, Ago kagesunennyi ko ortinwekab met.

—Kalewenaik 16:25

Ak ne bo aeng' ne kergei ak nito ko ni, Cham chitab kokweng'ung' ko u ole ichamdoige.

—Matayo 22:39

Amat kegenak; magigengenie Jehovah; amu kit age tugul ne kolei chi, kotun kesei noto agine.

—Galatiek 6:7

Lagochu mengech, among' ko-beetok chi: inendet ne yaei imanda ko bo imanda ko u ye bo imanda inendet: inendet ne yaei tengek ko bo oindet; amu kiyai oindet tengek koboch taunet.

—1 Johana 3:7, 8

Mongen ole matun nyoru icheget che ma bo iman bounatetab Jehovah? Amat kiberberak: mami eng' che soksei, anan che saei kanamonik, anan che ibegei, anan chemulkwonyinik, anan chemogo-

rgoinik, anan chorik, anan kipkei-nik, anan kibogitnik, anan che chubisiei, anan rebik, che nyoru bounatetab Jehovah.

—1 Korintoek 6:9, 10

Amat koberberak chi eng' ng'a-lek che manamegei ak kiy: amu nyonjin nereknatet ne bo Jehovah werikab ngelelnatet amu tuguchuto.

—Epesoek 5:6

Ago oegu che yaei ng'olyot, amat oegu che kasei kityo, ogenege okwege.

—Jakobo 1:22

Amu ngot kobwategei chi kole a kiy, ago kaga ma kiy, koberberegei inegei.

—Galatiek 6:3

# IBU CHALWOKTO MEET

Noto anyun, ko u ye kimong'ji ng'ony tengek eng' chito agenge, ak meet amu tengek; koityi anyun meet bik tugul, amu kiyai tugul tengek.

—Romanik 5:12

Ak ye kagomanach maget ne ya, koii tengekto: ak ye kagoeet tengekto, koii meet. —Jakobo 1:15

Amu kererwekab met che bo borto ko meet; ago kererwekab met che bo Tamirmiriet ko sobondo ak kalyet: amu kererwekab met che bo borto ko bunyondit eng' Jehovah; amu magase it Ng'atutietab Jehovah, amaimuchi.

—Romanik 8:6, 7

Meei chito ne yaei tengekto: manamei werit ng'ogistab kwanda-

nyi, ama namei kwanda ng'ogistab werinnyi; tebe chito ne bo iman imandanyi, ak kotebe kiptengekyot tengektanyi.

—Esekiel 18:20

Kanyolu keboiboitu ak kigasge: amu kiga kome weri otupche, ago kagosob kogeny; kiga kobet, ago kagobiit.

—Luka 15:32

Inendet ne kimitu eng' imanda koityin sobondo: Ak inendet ne i-subi yaitiet kosubi meennyi ingeи.

—Kalewenaik 11:19

Kiotinye logoek nee eng' betusechoto eng' tuguk che olilane nuno? amu kagesunetab tuguchoto ko meet.

—Romanik 6:21

Ne kigimwaita kele Weritab Jehovah eng' kimnatet (Jesu Kristo Kiptaiyandennyo), ko u tamirmriet ne bo tililindo, eng' ng'eetyetab che kibek.

—Romanik 1:4

Ak ye kingo kagomwa ko u noto, komwa eng' kutit ne o, kole, Lasaro, mong'u. Komong' anyun inendet ne kiga me, ko ratotin euneuk ak kelyek eng' ngoroik che bo kererit; ak kiga kirate togennyi anget. Kolenji Jesu bichoto, Otia-ch, ak ounde kwo.

—Johana 11:43, 44

Ak kirikta ye negit ak kotwa kit ne kigisute inendet: ak kitononso anyun che kisutei. Ak kilenji Jesu

inendet, Neranani, kamwaun ale, Ng'eet. Ak king'eet anyun ne koga kome, ak kotoi kong'alal.

—Luka 7:14, 15

Chama anyun Kwanda amu noto, amu agoitoi sobondanyu, si kobiit anam kogeny. Marebena chi, ago agoitoi anege. Atinye kimnatet agoito, ak atinye kimnatet anam kogeny. Kiataach ng'atutio-ni eng' Baba.

—Johana 10:17, 18

A ne Sobei; ak kiga amei, ak ke-ero, asobe koigeny ak koigeny, ak atinye yateiywekab meet ak che bo oldab che kigobek.

—Ng'ang'utiet 1:18

Amecheng'jigei cheptalelisiek alak, kobatena anege.

Ameyachigei kanamwet, anan itondab kiy age tugul ne mi barak kipsengwet, anan ne mi ng'ony orit, anan ne mi beek eng' ng'ony orit: ameng'urukyi, anan iot . . . .

Amemwa kainetab Jehovah Kamuktaindeng'ung' eng' tangoi: amu iityin Jehovah ng'ogisto ne mwaei kainennyi eng' tangoi.

Rib betutab sabato, itaban, ko u ye king'atin Jehovah Kamuktaindeng'ung'. Iboisiei eng' betusiek lo, ak iyai boisioniguk tugul. . . .

Teech kwandang'ung' ak komet, ko u ye king'atin Jehovah Kamuktaindeng'ung' . . . .

Amerumisie.

Amoipge.

Amechorse.

Amebaorianji chitab kokweng'ung' eng' lembech.

Amegase miat osotiotab chitab kokweng'ung'; anan imakyige gotab chitab kokweng'ung', anan emennyi, anan otwogennyi ne muren, anan ne tie, anan eitanyi, anan sigiriennyi, anan kiy age tugul ne bo chitab kokweng'ung'.

—Ne Kibwate Ng'atutik 5:7-21

Amu keerei konyekyik ortinwekab chi, Ak kogeerei banwekyik tugul. Mami mesundeito, anan uruetab meet, Ole imuchi koung'egei yaikab tengekto.

—Job 34:21, 22

Tos imuchi chi kounygei eng' komoswek che ung'otin, kot ko mageer inendet? mwaei Jehovah. Tos ma anyi kipsengwet ak ng'onny? mwaei Jehovah.

—Jeremia 23:24

Ngatogoste kipsengwet, imi oloto: Agot ngaite itogunnyu eng' oldab che kigobek, keero, imi oloto. . . . Ko agot mesundeito, ko maung'enengei, Ago iluu kemout

ko u bet: Kergei mesundeito ak lapkeiyet eng' inye.

—Tiendab Kalosunet 139:8, 12

Mitei konyekab Jehovah komosta age tugul, Kogeerei che yaa-chchen ak che miachen.

—Kalewenaik 15:3

Ama mi kiy age tugul ne kigiyai ne ma toogu eng' tainnyi: ago ng'ang'otin ak yatotin tuguk tugul eng' taitab konyek che bo inendet ne tun kitetyini atebosiekyok.

—Hebranik 4:13

Amu mami kiy ne keunyei, ne matun ng'ang'oksei; ama mi kiy ne bo ung'ot, ne matun naaksei eng' ole lapkei.

—Luka 8:17

## BIRET NE BO KOIGENY NE BO CHE MAIYANI JEHOVAH

Iyoktoi Weritab chi malaikaisi-ekyik, koba koym komoong'une bounatennyi tuguk tugul che inachi bich, ak ichek che yaei tengkto, ak kowirji mat ne o: egu eng' oloto kateeyet ak nyeetab kelek.

—Matayo 13:41, 42

Weechegei kiptengeginik kobendi oldab meet, Agot bororiosiek tugul che utie Kamuktaindet.

—Tiendab Kalosunet 9:17

Ago kipsengwetisiek ak ng'o-nyut che bo nguno, ko kigigonorji mat eng' ng'olyondonoto, kogonor agoi betutab kiruoget ak ng'e-misietab bik che maiywei Jehovah.

—2 Petero 3:7

Che tun nyoru biret, noto ng'e-misiet ne bo koigeny ko kageisto eng' taitab Kiptaiyat ak eng' torornatetab kimmatennyi.

—2 Tesalonikek 1:9

Ak ngonachin eung'ung' anan keldang'ung', itil ak iwirte: mie eng' inye imong'ji sobondo i bo mugung' anan i bo kelok kosiir itinye eunek aeng' anan kelyek aeng' ak kewirjin mat ne bo koigeny.

—Matayo 18:8

Ak bendi chu ole mi nyalilda ne bo koigeny: ago bendi che bo imanda ole mi sobondab koigeny.

—Matayo 25:46

Amu kigochob betut, ne tun iruokyine ng'ony eng' imanda eng' chichoto kigonde; ak kigoborji komie bik tugul agobo noto, amu king'eet inendet komong' eng' che kibek.

—Boisionik 17:31

Ingen anyun Kiptaiyat kosor eng' yomset che iywei Jehovah, ak korib che ma bo imanda kot koit betutab kiruoget, si tun kiruokyi.

—2 Petero 2:9

Kigeyai chamnyet koek ne ige sunotgei eng' achek, si kobiit kesich nyiganatet eng' betutab kiruoget; amu ko u ole u inendet, ke u noto achek eng' ng'onyuni.

—1 Johana 4:17

Ko u ye kigung'at agobo bik kobek konyil agenge, ak ye ibata ni to koek kiruoget. —Hebranik 9:27

... Ak kigiruokyi che kigobek eng' tuguk che kiga kisirji buku siechoto, ko u boisionikwak.

—Ng'ang'utiet 20:12

Amu kanyol kibartech achek tugul eng' taitab ng'echeretab kiruoget ne bo Kristo; si kobiit kotaach chi age tugul tuguk che te che kiyai eng' borto, ngo miach anan ngo yaach.

—2 Korintoek 5:10

Noto anyun, tun tetyin chi age tugul Jehovah atebennyi.

—Romanik 14:12

Ago ma u bistoet, konunetab chamnyet. Amu ngo kibek che chang' eng' bistoetab agenge, ko kitesak mising' kosiir eng' che chang', mieindab Jehovah, ak konunet eng' mieindab chito agenge, Jesu Kristo.

—Romanik 5:15

Noto anyun ma bo inendet ne machei, anan inendet ne labati, ago bo Jehovah ne tinyei rirenatab ge.

—Romanik 9:16

... Kirindoi Jehovah menotik, ak kogochin mieindo che iming'inigei.

—1 Petero 5:5

Amu ongen mieindab Kiptaiyandennyo Jesu Kristo ole, agot nganda ki magorio, ko kiek kiba-

nania agobo okwek, si kobiit oegu magorek eng' banandanyi.

—2 Korintoek 8:9

Kongoi eng' Jehovah amu konunnnyi ne ma mwaoksei.

—2 Korintoek 9:15

. . . Ago ye kitesak tengekto, ko kitesak mieindo mising' kosiir: si, ko u ye kiboi tengekto eng' meet, ko u noto bou mieindo eng' imanda agoi sobondab koigeny eng' Jesu Kristo Kiptaiyandennyo.

—Romanik 5:20, 21

Ak kibaorian che kiyoktoi eng' kimnatet ne o agobo ng'eetyetab Kiptaiyat Jesu: ak kitebe mieindo ne o ichek tugul.

—Boisionik 4:33

Kima mage kiy anyun Jehovah betusiek che kima komi naet; ago kang'at nguno kole kosik bik tugul eng' komosta age tugul.

—Boisionik 17:30

Amwawok ale, Achicha: ago, ngot ko mosigu okwek, olustosi okwek tugul ko u noto. —Luka 13:3

Osigu; amu kagorik bounatetab kipsengwet. —Matayo 3:2

Kolenji Petero ichek, Osigu, si kibatisan age tugul eng' okwek eng' kainetab Jesu Kristo agobo nyoeatab kaat ne bo tengekwogikwok; si otaach konunetab Tamirmiriet ne Tilil . . . Osigu anyun

ak owalage, si kobiit kibukto tengekwogikwok, si kobwa anyun betusiek che bo kamuung'et che bunu taitab Kiptaiyat.

—Boisionik 2:38; 3:19

Omete bistaosiekwok tugul che kigogonok obistoe. —Esekiel 18:31

Manyoru berurto inendet ne unyei bistaosiekyik: Ago nyoru rirenet age tugul ne ng'anyei ak kometo. —Kalewenaik 28:13

Amu arogenet ne tokyingei Jehovah koyaei signet agoi yetu-net, ne matinyei ndara: ago arogenet ne bo ng'onyuni koibu meet.

—2 Korintoek 7:10

Ago ngot kowee kiptengekyot kometo tengekwogikyik tugul che kigoyai, ak korib ng'atutikyuk tugul, ak koyai kit ne bo iman ak ne litit, kosobei iman, mameei.

—Esekiel 18:21

Amu ngonyochini kaat bik kachililutikwak, konyoiywok kaat agine Kwandang'wong' ne bo kipsengwet. —Matayo 6:14

Ak kingogeer Jesu kayaneywa, kolenji chito ne tineyi miando ne meat borto, Weri, kagenyoun kaat tengekwogiguk.

—Mariko 2:5

Ingometo kiptengekyot orennyi, ak ingometo inendet ne ma bo iman, kabwatutikyik: ak ingo-

weeklyigei Jehovah, si korire; ak ingoweeekeyigei Kamuktainde-nyo, amu nyochin kaat iman.

—Isaia 55:7

Kimwawok eng' chichi (Jesu) nyoetab kaat ne bo tengekwogik . . . Inendet ne kiitoror Jehovah eng' eunyyi ne bo tai koek Ne O ago Yetindet, si kogochi Israel sigunet, ak nyoetab kaat ne bo tengekwogik. —Boisionik 13:38; 5:31

Keero, atononi eng' kurget ak a-gongonyi: ngo kas chi kutinnyu ak koyat kurget, awendi ole mi inendet, ak aamisie koboto inendet, ak koamis inendet kobota.

—Ng'ang'utiet 3:20

Amu kigotook mieindab Jehovah, ne ipchin bik tugul yetunet. Inetech kole keesie oret ne matokyingei Jehovah, ak magutik che bo ng'ony, ak ketebi eng' ng'o-mnatet ne litit, ak eng' imanda, ak eng' oret ne tokyingei Jehovah eng' kenyisiechu. —Tito 2:11, 12

Obwati tuguk che mi barak, ma tuguk che mitei ng'ony.

—Kolosaik 3:2

Amoyai yamdaet ak boisionikab mesundeito, che matinyei logeek, ago kaigai oger kong'.

—Epesoek 5:11

Amocham ng'ony, anan tuguk che mi ng'ony. Ngot kocham chi

ng'ony ko mami chamnyetab Kwanda eng' inendet. Amu tuguk tugul che mitei ng'ony, magetab borto, ak magetab konyek, ak menotetab sobondo, ko ma bo Kwanda, ago bo ng'ony.

—1 Johana 2:15, 16

Okwek che oibege, mongen ole choruanditab ng'ony ko bunyondit eng' Jehovah? Chito age tugul anyun ne machei koek choruetab ng'ony koyaegi koek bunyotab Jehovah. —Jakobo 4:4

Ounge, otgilge; oiste yaitietab boisionikwok eng' tainnyu; osisyé, amatata oyai yaitiet.

—Isaia 1:16

Agonok kogeny muguleldo ne leel, ak andeok tamirmiriet ne leel: ak aiste muguleldo ne u koita eng' borwekwok, ak agonok muguleldo ne bo banyakek. —Esekiel 36:26

Ngot ongen ole bo imanda inendet, ongen ole age tugul ne yaei imanda ko kigesich agine eng' inendet . . . . Kingen kele mayaei tngekto chi age tugul ne kigesich eng' Jehovah; ago inendet ne kigesich eng' Jehovah koribei inendet, ama twaei chichoto inendet ne ya.

—1 Johana 2:29; 5:18

Noto anyun, ngo mi chi age tugul eng' Kristo, ko kigeyai inendet koek chito ne leel: kagosiirto

tuguk che bo keny; ogeero, kagoek che leelach. —2 Korintoek 5:17

Kowolji Jesu kolenji, Amwaun, iman, iman, ale, Ngot ko ma kisich chi eng' siget ne leel, ko magoi imuch kogeer bounatetab Jehovah.

—Johana 3:3

. . . Ago kigiunok, ago kigitabananak, ago kigiityok imanda eng' kainetab Kiptaiyat Jesu Kristo, ak eng' Tamirmirietab Jehovah nentyo.

—1 Korintoek 6:11

Kigesichok kogeny, ma eng' keswek che ng'emaksei ago eng' che ma ng'emaksei, eng' ng'olyotab Jehovah, ne sobei ak kotebyei.

—1 Petero 1:23

Kigosobok okwek, ye kio begu-notin eng' yaitwogikwok ak tengekwogikwok . . . ak kiing'eetech koboto inendet, ak kigonech ketebi koboto inendet eng' komoswekab kipsengwet, eng' Kristo Jesu.

—Epesoek 2:1, 6

Inendet ne kiib tengekwogikyok eng' bortanyi eng' ketit barak, si kesopche eng' imanda; a-chek che kiga kebekyi tengekwogik; kigisoobenok birutikyik.

—1 Petero 2:24

Ko u ye kiong'eetye anyun koboto Kristo, ocheng' tuguk che mi barak, ole mi Kristo kotebyei eng' eutab tai ne bo Jehovah. Obwati

tuguk che mi barak, ma tuguk che mitei ng'ony. Amu kiobegu, ak kigiuny sobonwekwok koboto Kristo eng' Jehovah. —Kolosaik 3:1-3

Ak icheget che bo Kristo Jesu ko kigogartat borto koboto magutikyik ak kasetab miat che bo cho-to. Ngot kesoptosi eng' Tamirmiriet, ko ongebendoti anyun eng' Tamirmiriet. —Galatiek 5:24, 25

Achek che kigebekyi tengek, ko ta kesoptoi ano eng' tengek? . . . Ko u noto oiityige ak okwek ole kibekyi tengek, ago osoptosi eng' Jehovah eng' Kristo Jesu.

—Romanik 6:2, 11

Amu inendet ne koljin bortanyi  
kotun kesei eng' borto ng'emisiet;  
ago inendet ne koljin Tamirmiriet  
kotun kesei eng' Tamirmiriet so-  
bondo ne bo koigeny.

—Galatiek 6:8

Ak ko u ye kiigartat Musa ere-  
net eng' ong'atet, kigartoti ko u  
noto Weritab chi matiny: si ko-  
nyor sobondab koigeny eng' ine-  
ndet age tugul ne iyani.

—Johana 3:14, 15

Ak ni sobondab koigeny, ale ko-  
nain Jehovah ne inyendet inyege  
ne bo iman, ak Jesu Kristo, ne ki-  
iyogu.

—Johana 17:3

Tinyei sobondab koigeny ne iya-  
ni Werit; ama keerei sobondo ne  
magase it Werit, ago tebe nerege-  
kab Jehovah baragunnyi.

—Johana 3:36

Amu melektab tengek ko meet;  
ago konunetab chamnyet ne bo  
Jehovah ko sobondab koigeny  
eng' Kristo Jesu Kiptaiyande-  
nnyo.

—Romanik 6:23

Amwawok, iman, iman, ale, Ine-  
ndet ne kasei ng'olyondennyu, ak  
koyani inendet ne kiiyokwa, koti-  
nyei sobondab koigeny, ama we-  
ndi ole mi kiruoget, ago kagomo-  
ng' eng' meet komong'ji sobondo.

—Johana 5:24

Baoriani Tamirmiriet inendet  
ak tamirmirikyok kole ki lagokab  
Jehovah.

—Romanik 8:16

Inendet ne tineyi Werit kotinyei  
sobondo: inendet ne matinyei We-  
ritab Jehovah ko matinyei sobo-  
ndo. Kaasirwak tuguchu, si kobiit  
onai ole otinye sobondab koigeny,  
okwek che oyani kainetab Wer-  
tab Jehovah. —1 Johana 5:12, 13

Inendet ne tineyi ng'atutikyuk,  
ak koribei, ko noto ne chama: ak i-  
nendet ne chama ko chamat eng'  
Baba, ak achame inendet, ak  
ang'ang'jige inendet.

—Johana 14:21

Ak koek boisietab imanda ka-  
lyet; ak kobiitune imanda kamuu-  
ng'et ak kamang'unet koigeny.

—Isaia 32:17

Ak amu o werik, ko kiiyokyi Je-  
hovah Tamirmirietab Werinnyi  
mugulelwekyok, ne rirei, kole, A-  
ba, Kwanda. —Galatiëk 4:6

Kingen eng' nito kele kimenye  
eng' inendet, ak komenyech ine-  
ndet, amu kigogonech keyamde  
Tamirmiriennyi. —1 Johana 4:13

Ak baornatanato ko ni, kele, ki-  
gogonech Jehovah sobondab koige-  
ny, ak mi sobonito Werinnyi.

—1 Johana 5:11

# KONU BOIBOIYET JESU NE MENYEI MUGULELDO

Ak kanyonjin nguno; ak amwae tuguchu eng' ng'ony, si kobiit kosulda boiboiyennyu eng' ichek.

—Johana 17:13

... Ta ageerok kogeny, ak boiboi mugulelwewkwok, ama rebenok chi boiboiyeng'wong'.

—Johana 16:22

Amu bounatetab Jehovah ko ma amisiet ak eiset, ago imanda ak kalyet ak boiboiyet eng' Tamirmiriet ne Tilil. —Romanik 14:17

Kigigartata koboto Kristo; ago asobe; ago ma ko ane, ago sobei Kristo eng' ane: ak sobondo ne asobe nguno eng' borto asobe eng'

kayanet ne mitei eng' Weritab Je-hovah, ne kichama, ak kiigoitogei agobo ane. —Galatiek 2:20

Tun orame anyun beek eng' boiboiyet, eng' keringonik che bo yetunet. —Isaia 12:3

Kaamwawok tuguchu, si kotebi eng' okwek boiboiyennyu, si kobiit kosulda boiboiyeng'wong'.

—Johana 15:11

Iborua oretab sobondo: Mi kagasetab ge taing'ung' ne nyiitat.

—Tiendab Kalosunet 16:11

Tom osom kiy eng' kainennyu: osom, si onyoru, si kobiit kosulda boiboiyeng'wong'. —Johana 16:24

Ago ngot ko mogas it kutitab Jehovah, ago ngot obistoe ng'atutietab Jehovah, konyalilok eutab Jehovah anyun, ko u ye kiinalik kwanisiekwok. —1 Samuel 12:15

Mongen ole, inendet ne ogochinige oegu otwogik agoi kasetab it, ko o otwogikab inendet ne ogase it; ngo bo tengekto agoi meet, anan ngo bo kasetab it agoi imanda?  
—Romanik 6:16

Ak kogonok kamuung'et kobotech, okwek che kiusei, eng' ng'aeng'etab Kiptaiyat Jesu kobunu kipsengwet koboto malaikaisiek che bo kamuktaennyi eng' mat

ne lalei, koyaakyi mugetut icheget che ma nai Jehovah, ak ichek che magase it logoiywek che miach che bo Kiptaiyandennyo Jesu: che tun nyoru biret, noto ng'emisiet ne bo koigeny ko kageisto eng' taitab Kiptaiyat ak eng' torrnatetab kimnatennyi.

—2 Tesalonikek 1:7-9

Ogeero, kande taing'wong' rani kaberuret ak chubisiet: egu kaberuret ngogas ng'atutikab Jehovah Kamuktaindeng'wong', che kaang'atak rani; ak egu chubisiet ngo mogas ng'atutikab Jehovah Kamuktaindeng'wong'.

—Ne Kibwate Ng'atutik 11:26-28

Si kong'any ng'elyepta age tugul kole Jesu Kristo ko Kiptaiyat, agoi torornatetab Jehovah Kwanda.

—Pilipik 2:11

Noto anyun age tugul ne ibortoa eng' taitab bik, abortoi agine eng' taitab Baba ne mi kipsengwet. Ago age tugul ne esioa eng' taitab bik, aesioi inendet agine eng' taitab Baba ne mi kipsengwet.

—Matayo 10:32, 33

Nging'any eng' kuting'ung' ile Jesu ko Kiptaiyat, ak iyani eng' muguledang'ung' ile kiing'eet Jehovah inendet komong'une che kibek, kesorun: amu iyani chi eng' muguleldo agoi imanda; ak ng'a-

nyei eng' kutit agoi yetunet.

—Romanik 10:9, 10

Age tugul ne esioi Werit, ko matinyei noto Kwanda: inendet ne ng'anyei Werit kotinyei Kwanda agine.

—1 Johana 2:23

Amu age tugul ne ililanjina ak ng'alekyuk, ko tun ililanjin agine Weritab chi chichoto, ye tun nyonei eng' torornatennyi, ak ne bo Kwanda, ak ne bo malaikaisiek che tililen.

—Luka 9:26

Age tugul ne ng'anyei kole Jesu ko Weritab Jehovah komenyei Jehovah eng' inendet, ak komenyei inendet Jehovah.

—1 Johana 4:15

Nyonunennyi konamegei ak boisietab Setani koboto kamuget tulgul ak kaborunoik ak kwong'utik che bo lembech. —2 Tesalonikek 2:9

Si kobiit ing'any konyekwak, ak kowEEK eng' mesundeito kobwanji lapkeiyet, ak eng' kimnatetab Setani kobwanji Jehovah, si konyor ichek nyoetab kaat ne bo tengekwogik ak borotet eng' ichek che kigitilil amu kayanet ne mi eng' ane. —Boisionik 26:18

Kiimut anyun Tamirmiriet Jesu kotogosta kwo surkwen si koyom oindet . . . Kilenji Jesu anyun, Ui eng' oli, Setani: amu sirat kole, Ilosu Kiptaiyat Jehovah neng'uNG', ak iboisiechi inendet inegei.

Kibagach oindet anyun inendet; ak ogeero, kibwa malaikaisiek si koboisiechi. —Matayo 4:1, 10, 11

Oripge, oripse: amu wendoti bUNyondeng'wong' oindet, ko u ng'e-tundo ne boriseni, kocheng'ei ne amei. —1 Petero 5:8

Ne bo let anyun, oegu che kimen eng' Kiptaiyat, ak eng' kimnate-tab kamugennyi. Olaach karikab luget komugul che bo Jehovah, si kobiit omuch ogirinde kaberber-siosiekab oindet. —Epesoek 6:10, 11

Amu karikab lugennyo ko ma bo borto, ago tinyei kamuget eng' taitab Jehovah koluul irimosiek. —2 Korintoek 10:4

Amu yamdoi anyun lagok kotorik ak borto, kinam choto inendet agine ko u noto; si kobiit kong'em eng' oretab meet inendet ne tineyi kimnatetab meet, noto ko oindet.

—Hebranik 2:14

Inendet ne yaei tengek ko bo oindet; amu kiyai oindet tengek koboch taunet. Kigeng'any Weritab Jehovah amu noto, si kobiit kong'em boisionikab oindet.

—1 Johana 3:8

Ibestosech ng'o eng' chamnyetab Kristo? nyalilda, anan bichindo, anan usisiet anan rubet anan ach ngor, anan ng'oiyondit, anan rotwetab chok? ... Ago, ki kate-

rterik kot kosiir eng' tuguchu tugul eng' inendet ne kichamech.

—Romanik 8:35, 37

Noto anyun, oming'inityige Jehovah; ago ogirinde oindet, si komweenok. Orikyi Jehovah, si kori-kyok.

—Jakobo 4:7, 8

Ak yeityo keng'any ngeleliot, ne tun barei Kiptaiyat Jesu eng' kabusetab kutinnyi, ak kong'em koek buch eng' ng'ang'etab nyounennyi; nyoununennyi (ne bo ngeleliondonato) konamegei ak boisietab Setani koboto kamuget tugul ak kaborunoik ak kwong'utik che bo lembech.

—2 Tesalonikek 2:8, 9

Agot ndang'alaale kutuswekab bik ak che bo malaikaisiek, amati-nye chamnyet, ko kaegu sugu-nwet ne cheei, anan sanitab sugu-nwet ne bolei. —1 Korintoek 13:1

Ago logoiyotab Tamirmiriet ko chamnyet, boiboiyet, kalyet, mui-taet, talasiet, mieindo, atepto ne kiyani, kaming'inetab ge, ribetab ge. —Galatiek 5:22, 23

Kolenji kogeny ne bo aeng' Si-mon, weritab Johana, ichama? Kolenji, Ee, Kiptaiyandani, ingen ile achamin. Kolenji, Iyage kechi-rekyuk. —Johana 21:16

Ngot ochama, oribe ng'atutikyuk. —Johana 14:15

Ngot komwa chi kole, Achame Jehovah, ago wechei ne tupcho, ko kiplembechwa: amu inendet ne machamei ne tupcho ne kigogeer, ko maimuchi kocham Jehovah ne tomo kogeer. —1 Johana 4:20

Naei bik tugul kole o alamalye-nyu, ngochamdosi.—Johana 13:35

Kingen kele kigemong'une meet kemong'ji sobondo, amu kichame che kitupche. Inendet ne machamei komenyei meet.

—1 Johana 3:14

Amu ni chamnyetab Jehovah, ale kerib ng'atutikyik: ama nyi-gisen ng'atutikyik. —1 Johana 5:3

Ak ki baorinik achek che bo tuguk tugul che kiyai eng' emetab Yahudik, ak eng' Jerusalem; ne kibar ichek inendet kogartat eng' ketit. Kiing'eet Jehovah inendet eng' betutab somok, ak kogoito kotook, ma eng' bik tugul, ago eng' baorinik che kiga sib kolewen Jehovah,acheget choto che kigiamisiei ak keeisei koboto inendet ko kagong'eet komong' eng' che kibek.

—Boisionik 10:39-41

Ak kingong'eet Jesu anyun karon mising' eng' betutab tai ne bo wigit, kochunji korok Maria Magdalene, inendet ne kiga kocherune Jesu oik tisab.

—Mariko 16:9

Ak kingobata betusiek sisiitu ko kimi go alamalyennyi kogeny, ak kimi Tomas koboto ichek. Kinyo anyun Jesu, ko kerotin kurgotik, ak kotonon eng' kwenunywa, ak komwa kole, Ingoteb kalyet eng' okwek. Kolenji Tomas, Iyogou morneng'ung', ak igeer eunekyuk; ak iyogou eung'ung' ak inde karastanyu; si meegu ne matinyei kayanet, ago iyan. Kowolji Tomas kolenji, Kiptaiyandennyu ak ko Jehovah nenyu.

—Johana 20:26-28

Ne kigigoito amu bistautikyok, ak kiging'eet si kobiit kiityech imanda.

—Romanik 4:25

Amwawok, iman, iman, ale,  
 Nyonei sait, ak kagoit, ye kas che  
 kigobek kutitab Weritab Jeho-  
 vah; ak soptos icheget che  
 kasei . . . Amokwong'e nito: amu  
 nyonei sait, ne tun kasei kutinnyi  
 tugul che mi kererisiek, ak komo-  
 ng'; ng'eetyin sobondo che kiyaei  
 ne mie; ak kong'eetyi kiruoget i-  
 cheget che kiyaei ne ya.

—Johana 5:25, 28, 29

Anan ma onai ole achek tugul  
 che kigibatisanjech Jesu Kristo  
 ko kigibatisanjech meennyi? Noto  
 anyun kigetubech koboto inendet  
 eng' kabatisanet agoi meet: si ko  
 u ye kiging'eet Kristo eng' che ki-

bek eng' torornatetab Kwanda, ko  
 u noto, kibendoti agacheck eng' so-  
 bondoo ne leel. Amu ngo kigituiye-  
 ch ak inendet eng' kergeindab me-  
 ennyi, ke u noto agacheck eng' ke-  
 rgeindab ng'eetyennyi.

—Romanik 6:3-5

Ak ngo mi Kristo eng' okwek,  
 ko kigome borto amu tengekto; a-  
 go Tamirmiriet ko sobondo amu i-  
 manda. Ago ngo menyok Tami-  
 rmirietab inendet ne kiing'eet Je-  
 su komong'une che kibek, kosoobi  
 borwekwok che begu inendet ne  
 kiing'eet Kristo Jesu komong'une  
 che kibek, eng' Tamirmiriennyi ne  
 menyei eng' okwek.

—Romanik 8:10, 11

Si kobiit kogonech, ko kagosoruech eng' eunekab bunikyok, Keboisiechi inendet ama eng' kaiyweisiet, Eng' tililindo ak eng' imanda eng' tainnyi eng' betusiekkyok tugul.

—Luka 1:74, 75

Amu kitinye arorutichu anyun, chamanichu, ongitililge, keiste simdo tugul ne bo borto ak ne bo tamirmiriet, si keityi tililindo eng' kaiyweisietab Jehovah.

—2 Korintoek 7:1

Abatisanok iman eng' beek amu signet: ago tinyei kimnatet kosira inendet (Jesu) ne isubwa, ma nyolu aipchinot kweonikyik: ibati-

sanok inendet eng' Tamirmiriet ne Tilil ak mat. —Matayo 3:11

Ko u eng' naetab Jehovah Kwanda ne kisib konai, eng' katabanetab Tamirmiriet, agoi kasetab it ak isetab korotik che bo Jesu Kristo.

—1 Petero 1:2

Ngotililgei anyun chi eng' tuguchuto, koegu teret ne bo teegisto, ne itabanat, ne nyoljin koboisie kiptaiyat, ne kigichopchi boisiet age tugul ne mie.

—2 Timoteo 2:21

Ago ko u ye tilil inendet ne kiguurok, oegu che tililen ak okwek eng' atebosiek tugul.

—1 Petero 1:15

Noto anyun, kinalil Jesu agine eng' ormarich sang', si kobiit kotalil bik eng' korotikyik.

—Hebranik 13:12

Ko u ye kilewenech eng' inendet ye kitom kelumda ng'ony, si keegu che tililen che matinyei lelut eng' tainnyi eng' chamnyet: . . . ak olaach chito ne leel, ne kigiyai eng' Jehovah eng' imanda ak tililindo ne bo iman. —Epesoek 1:4; 4:24

Ak kobiit oret ne o eng' oloto, ak oret, ak kiguure oranato Oretab Tililindo; mabunei oranato che muruonen ago bunjin bichoto; ama betos eng' oranato kiprutoinik, agot ngo berber. —Isaia 35:8

Ngot keng'anye tengekwogikyok, koyanat ak ko bo imanda konyoiywech kaat tengekwogikyok, ak kotililech eng' kiy tugul ne ma bo imanda. —1 Johana 1:9

Amu tun chootos tuguchuto tugul ko u nito, ko nyolu oegu bik che u nee eng' atebet ne tilil ak kaiyweetab Jehovah. —2 Petero 3:11

Ogilge otebi eng' kalyet koboto bik tugul, ak tililinoto ne ngo matinyei chi ko maimuchi kogeer Kiptaiyat. —Hebranik 12:14

Ogochi Jehovah teegisto ne nyoljin kainennyi; Ogutung'ji Jehovah eng' telunatetab tililindo. —Tiendab Kalosunet 29:2

Ngongen okwek che o yaach o gochi lagokwok tuguk che miach, siirei anyun ne tia kagoitoet ne i-gochin Kwandang'wong' ne mi kipsengwet Tamirmiriet ne Tilil i-chek che somei inendet!

—Luka 11:13

Ak kingo kagosa, kotumdumgei ole kiga koyumjigei; ak kinyi i-chek tugul Tamirmiriet ne Tilil, ak kimwa ng'olyotab Jehovah eng' nyiganatet. —Boisionik 4:31

Ago ma omi eng' borto ago eng' Tamirmiriet, ngo menyok Tamirmirietab Jehovah. Ago ngo matinyei chi Tamirmirietab Kristo ko ma nenyi. —Romanik 8:9

Ak andeok Tamirmiriennyu, ak agonok obendate ng'atutikyuk, ak orib kiuogutikyuk ak oyai.

—Esekiel 36:27

Ago otaache kamuktaet, ye tun kanyonjok Tamirmiriet ne Tilil: ak oegu baorinikyuk.

—Boisionik 1:8

Amu ki chi ne mie, ak ko nyiitat Tamirmiriet ne Tilil ak kayanet.

—Boisionik 11:24

Ak kinyi alamalyet boiboindo ak Tamirmiriet ne Tilil.

—Boisionik 13:52

Amat obogitye eng' maiyek, che ibu maget ne ya, ago ingonyiaik Tamirmiriet. —Epesoek 5:18

# KAYOMISUTIK CHE KIKWONG'E CHE KIGOCHIN KRISTIANIK

43

Negite Jehovah icheget che i-lyotin mugulelwewkaw, Ak koso-ru ichek che kigonyeratitu tamirikwak.

—Tiendab Kalosunet 34:18

Amu kiyaei eunnu tuguchuto tugul . . . mwaei Jehovah; ago a-geni inendet ne banan ak konyera-tegei eng' tamirmiriet, ne botani amu ng'olyondennu.

—Isaia 66:2

Ak kilenji Jesu, Ngimuchi! I-mugaksei tuguk tugul eng' inedet ne iyani.

—Mariko 9:23

Chamanichu, amokwong' eng' tiemisiet ne bo mat ne mi kwenu-

ng'wong', ne nyonjinok si kobiit kotiemak, ko u ye kaityok kiy ne okwong'e: ago oboiboitu, ko u ye o yamdoikab nyalilwogikab Kristo; si tun oboiboitu eng' boiboiyet ne o eng' ng'ang'etab lilindanyi agine.

—1 Petero 4:12, 13

Ak kouus inendet beekab kong' alak tugul eng' konyekwak; ama komi meet kogeny; ama komi katteiyet kogeny, anan rirek, anan ng'wanindo: kogosiirto tuguk che bo tai.

—Ng'ang'utiet 21:4

Imang'u Jehovah, ak iyai ne mie; Meng'isie eng' emet, ak isub imanda.

—Tiendab Kalosunet 37:3

## 44 KAYOMISUTIK CHE KIGOCHIN CHE KIYOMEI

Ak tun tuei Jehovah ne bo kalyet Setani eng' kelyekwok ko negit.  
—Romanik 16:20

Chang' nyalilwogikab ne bo imanda: Ago soru Jehovah inendet eng' choto tugul.

—Tiendab Kalosunet 34:19

Ami koboten ye ibune beek che chang'; ak ye ibune ainosiek, ko maimaluuchin; ye ibune mat, ko mabeelin; ama imelin liblibenetab mat.  
—Isaia 43:2

Ak kingen kele, eng' ichek che chamei Jehovah, kotuitos tuguk tugul si kobois koreu che miach eng' ichek che kigeguur ko u magennyi.  
—Romanik 8:28

Amu ko u ye kinyalil inendet ye kigiyomei, komuchi inendet koret ichek che kiyomei.

—Hebranik 2:18

Kima namak yomset kobate noto ne imuchi komuitae chi tugul: ago bo iman Jehovah ne machamdook keyomak kosiir ne te ne omuchi; ago koboto yomsonoto koyaei agine oret ne ochilile, si kobiit omuch omuite.

—1 Korintoek 10:13

Amu magitinye tisiindet ne o ne maimuchi kogaswech nyalulnatosiekyok; ago ne kigiyom ko u achek eng' tuguk tugul, ama yai tengek.

—Hebranik 4:15

Inendet ne iterteri, kotun agochini kotebi kobota eng' ng'echerennyu ne bo laitornatet, ko u ye kiaterter agane, ak ketebi ak Baba eng' ng'echerennyi ne bo laitornatet.

—Ng'ang'utiet 3:21

Inendet ne iterteri, ayae koek toloita eng' hekalut ne bo Jehovah nenyu, ama komandoi sang' kogeny: ak asirjini inendet kainetab Jehovah nenyu, ak kainetab nganasetab Jehovah nenyu, noto Jerusalem ne leel, ne chorugei eng' kipsengwet kobunu Jehovah nenyu, ak kainennyu ne leel.

—Ng'ang'utiet 3:12

Inendet ne iterteri kotun kilaa-kyin ko u noto ngoroik che leela-

ch; ak magoi abuch kainennyi eng' bukuitab sobondo, ago ang'anye kainennyi eng' taitab Baba, ak eng' taitab malaikaisiekik.

—Ng'ang'utiet 3:5

Inendet ne iterteri konamei tugchu; ak aegu Jehovah nenyi, ak koek inendet werinnyu.

—Ng'ang'utiet 21:7

Inendet ne tinyei itit, kogas kit ne mwachin Tamirmiriet kanisosi-ek. Inendet ne iterteri, agochini koam che bo ketitab sobondo ne mi Paradis ne bo Jehovah.

—Ng'ang'utiet 2:7

## 46 NG'ALALWECH JEHOVAH AGOBO BESIET

Ago ang'ate che kigotungei ago ma ane, ago Kiptaiyat, ale, Amat kobagakta osotiot manong'otiondennyi (ago ngot kometo, komat kitun, anan kogasyin ak manong'otiondennyi); ak amat kome-to manong'otiot osotiondennyi.

—1 Korintoek 7:10, 11

Amu kobogoriot ne tineyi manong'otiot koratei ng'atutik eng' manong'otiot eng' betusiek tugul che bo sobennyi; ago ngo me manong'otiot, kotaigak anyun eng' ng'atutietab manong'otiot. Noto anyun, ye ta kosobei manong'otiot, ak konamgei ak chito age, ke-guure inendet chebaigeiyat: ago

ngo kagome manong'otiot, kotaigak eng' ng'atutiet, eng' noto anyun, ko ma keguure chebaigeiyat, agot ngotun chito age inendet.

—Romanik 7:2, 3

Age tugul ne onei osotionde-nnyi, ak kotun age, ko kabaigei: ak chito ne ituni inendet ne kigoon manong'otiot ko kabaigei.

—Luka 16:18

Ago amwawok ale, Age tugul ne onei osotiondennyi, ama eng' sokset, ko kayai inendet koegunot chebaigeiyat: ak age tugul ne itu-ni kobogoriondonato ne kigeon, ko kabaigei.

—Matayo 5:32

Ak ye awe achobwok koret, anyone kogeny amutok; si ole ami omite ak okwek. —Johana 14:3

Anyone achogu: nam mising' noto itinye, si marebenen chi kutweng'ung'. —Ng'ang'utiet 3:11

Amu age tugul ne ililani agobo ane koboto ng'alekyuk eng' ibinita bo sokset ak tengek, ko tun ililanjin agine Weritab chi inendet, ye tun nyonei eng' lilindab Kwandanyi koboto malaikaisiek che tililen. —Mariko 8:38

Ak kotook anyun eng' kipsengwet kaborunetab Weritab chi: ak koteiyo anyun bororiosiek tugul che bo ng'ony, ak kogeer konyonei Weritab chi eng' baragu-

tab bolik che bo kipsengwet ak kinnatet ak lilindo ne o.

—Matayo 24:30

Omuite anyun ak okwek; ogimit mugulelwekwok: amu kagonegitit nyonunetab Kiptaiyat.

—Jakobo 5:8

Amu u ye mong'u kalyelet eng' kong'asis, ak kegeerot agoi chergo; egu ko u noto nyonunetab Weritab chi. —Matayo 24:27

Ko u noto Kristo agine, kingo kagigoito konyil agenge si koib tengekwogikab che chang', ko tun toogu ne bo aeng', ma agobo tengek ago, eng' ichek che igeni inendet, agoi yetunet. —Hebranik 9:28

Che kimwa agichek, kole, Okwek bikab Galili, kalya si otononse ak onyali kipsengwet? tun nyonei Jesu nito, ne kagimut kwo kipsengwet kobunei oling'wong', ko u yu kogeere kowendi kipsengwet.

—Boisionik 1:11

Ak eng' betunoto kogeer anyun Weritab chi konyonei eng' boldet koboto kimnatet ak lilindo ne o.

—Luka 21:27

Ogeero, anyone ko u chorin. Babai inendet ne ripsei.

—Ng'ang'utiet 16:15

Chamanichu, ki lagokab Jehovah nguno, ak tomo keng'any kit ne tun ki u. Kingen kele, ye tun kaging'any inendet, kegergeitu ak

inendet; amu tun kigeere ko u ole u inendet. Ak chi age tugul ne tiniyei kamang'unoni agobo inendet kotililegei, ko u ye tilil inendet.

—1 Johana 3:2, 3

Ochopge ak okwek: amu nyonei Weritab chi eng' sait ne mobwati.

—Luka 12:40

Amu tun nyonei Weritab chi eng' lilindab Kwandanyi koboto malaikaisiekyik; ak koyaakyi anyun chi age tugul ko u boisionikyik.

—Matayo 16:27

Ak kile Jesu, A inendet: ak tun ogeere Weritab chi kotebyei eng' eutab tai ne bo kamuktaet, konyonei eng' bolik che bo kipsengwet.

—Mariko 14:62

## NG'OLYOTAB JEHOVAH

Siirtoi kipsengwet ak ng'ony: ago magoi siirto ng'alekyuk.

—Luka 21:33

Amu mami maoinateet ne kigobit eng' magetab chi: ago king'alali bik eng' Jehovah, kondochin Tamiririet ne Tilil. —2 Petero 1:21

Bunu kabusetab Jehovah sirutiet age tugul, ak kotoreti eng' konetisiet, eng' kergong'iet, eng' kateechinet, eng' kotigonet ne mi eng' imanda. —2 Timoteo 3:16

Taitab kelyekyuk ng'olyondeung'ung', Ak lapkeiyetab orennyu.  
—Tiendab Kalosunet 119:105

## SAET AK NYOETAB KAAT

Noto anyun osa ko u ni: Kwandanyo ne mi kipsengwet, Ingotililit kaineng'ung'. Ingonyo bounteng'ung'. Ingoyaak eng' ng'ony mageng'ung', ko u ye kiyaei eng' kipsengwet. Konech rani amitwogikyok che bo ra. Ak inyoiywech kaat lelutikyok, ko u ye kinyochini kaat che lelwech. Amemutech ole mi yomset, ago soruech eng' ne ya. Amu neng'ung' bounatet, ak kamuktaet, ak torornatet, agoi koigeny. Amen. Amu ngonyochini kaat bik kachiliilutikwak, konyoiywok kaat agine Kwandang'wong' ne bo kipsengwet.

—Matayo 6:9-14

Published in numerous languages by World Missionary Press, Inc.,  
as God supplies funds in answer to prayer. **For questions or more  
information by country, visit: [www.wmp-contacts.org](http://www.wmp-contacts.org)**



World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

Read booklets online or by App  
[www.wmp-readonline.org](http://www.wmp-readonline.org)